



Ö = ö

- 1> é gnü condüt dal Spirit por caranta dis encerch tal ...
- 2> mo canche i ... dis ea passés, âl fan
- 3> spo dí che cösta ... deventes pan
- 4> Dan dal ..., to Dio, desste t'enslené y sorví el su
- 5> Do cöstes ... s'an é le malan jü demez
- 6> Al sta tla ...: Le chescian ne vir nia ma de pan.
- 7> y ti á mostré te n momont düc i ... dla tera
- 8> Al comana sũ ... de ciaré de te



Vita de ploania y de paisc

PNRR - La Pli: l'ombolt envieia döta la popolaziun d'La Pli, dantadöt chi co á enterés da svilupé ennant la storia y cultura ladina (calogna, archif, biblioteca) adöm ince a söa impreja (agriturism, firmes nees, produc da paur, ecc.) **en dedolönesc ai 8 de merz ales 20:00 online sön le sît: <https://meet.jit.si/pnrr-lapli>**

Al gnará prejenté l'idea laorada fora da en grup de laur y fat na discussiun. Le comun ó tó pert con cösc proiet a na competiziun a nivel nazional, por ciaré da ciagé i finanzia monoc aladô da arjunje i fins.



Enformaziuns y termins

KVW Seniorencub: en dedemesaledema ai 9 de merz piunse ia con le bus dal Cone demez ales 13:30 por ji a Trens, danló oraziun dles staziuns. Da se prenoté pa Lidia, ☎ 339 7899107.

Döt le bun a: a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns: cina le dedemesaledema sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

06.03.2022 - Pröma domogna de Carsema

n. 15

Ci é pa emportant por la porsona?

Deut 26, 4-10 | Rom 10, 8-13 | Lc 4, 1-13

Dal Vangelo do San Lüca:

Te chel tomp ¹â Gejú, emplí dal Spirit Sant, lascé le raiun dal lórdann, y é gnü condüt dal Spirit por caranta dis encerch tal desert, ²olach'al é gnü tonté dal malan. Al n'â mangé por döt le tomp nia, mo canche i caranta dis ea passés, âl fan. ³Danló ti á le malan dit: Sce t'es le Fi de Dio, spo dí che cösta pera deventes pan. ⁴Gejú ti á respognü: Al sta tla Scritöra: Le chescian ne vir nia ma de pan. ⁵Danló l'á le malan condüt sön n crep y ti á mostré te n momont düc i regns dla tera. ⁶Y al ti á dit: Döta la potenza y la gloria de chisc regns ôi te dé; ciodich'ai m'é gnüs sorandés a me, y iu ti ai dá a chi ch'i ô. ⁷Sce te te petes jö dan da me y m'adoreies, sará döt to. ⁸Gejú á respognü: Dan dal Signur, to Dio, desste t'enslené y sorví el su. ⁹Sön chera l'á le malan condüt a lerúsalem, l'á motü sò ensom le templ y ti á dit: Sce t'es le Fi de Dio, sciürete jö da atló; ¹⁰ciodiche la Scritöra dij: Al comana sũ angeli de ciaré de te ¹¹y: Ai te portará sön söes mans, por che to pé ne ciumpedi nia te na pera. ¹²Sen ti á Gejú respognü: La Scritöra dij: Te ne desses nia meter le Signur, to Dio, ala proa. ¹³Do cöstes tontaziuns s'an é le malan jü demez da d'el cina al tomp motü.

I ponsun do: *Te nosta sozieté i vegnel fat ala porsona n gröm de propostes, i podun cheri fora danter tan de poscibilités. Cösc pó samben mené tla tontaziun da orei tres deplü y con l'orei tres deplü da se desmoncé l'esenzial. Tl'aspiraziun do tres deplü gnunse sbürles iaica y i án tres manco tomp. La Carsema s'envieia a tó na dezijiun nea. Dla parora de Gejú y dla parora dla Sacra Scritöra ciafunse la raccomandaziun de nia se desmoncé les cosses co cunta veramonter.*

I periun: *Bel Dio, to Fi s'á motü daldöt te to sorvisc. Tal meterman dal tomp dla penittonza pascala te periunse: deidesse ince nos, ch'i tolunse la dezijiun por te y por töa parora. Láscesse odei ete, ci co é emportant por nosta vita. Por Gejú Crist, nosc Signur.*

Vesco Wilhelm Egger "Sonntagsbibel"



Letöres dla Secunda domogna de Carsema:

Gen 15, 5-12.17-18 | Fil 3, 17-4,1 | Lc 9, 28b-36

Edema liturgica dai 06.03. ai 13.03.2022

DOM 06.	Pröma domegna de Carsema domegna dla dlijia te ciasa	
08:30	gran messa por döta la ploania 3^a s.m. de sopoltöra por † Jep Lanz, dal Pico s.m. por †† Dolo, Nane y Jep Ploner, Plazores → y corona dla comunité por † Jep Lanz	<i>oferta por la ploania</i>
→ 19:00	les ciampanes sona ete la Carsema y envieia al'oraziun	
10:00	<i>s.m. a Al Plan</i>	
Lön 07.	<i>Perpetua y Felizita, Reinhard</i>	
→	de d'oraziun te familia	
Ded 08.	<i>Jan de Dio, Georg Michael</i>	
07:30	s.m. d'aniversar por † Florian Terza, d'André s.m. por vis y †† dla fam. Thomas y Maria Rubatscher, Festl	
Dem 09.	<i>Bruno da Querfurt, Franzisca, Dominicus Savio</i>	
→	de d'oraziun te familia	
Jöb 10.	<i>I 40 martirs, Gustav, Milio</i>	
19:30	s.m. por †† Carlo, Hermann y Nane Ploner, Corterei s.m. por †† de Blaje	
Ven 11.	<i>Rosina, Ulrich</i>	→ <i>astinonza dla cern</i>
→ 19:30	funziun con "Les staziuns" con l'Uniu dai ei	
Sab 12.	<i>Gregor, Beatrix</i>	
18:00	<i>s.m. prefestia a Al Plan</i>	
19:30	s.m. prefestia por la pêsc s.m. por fam. Berto y Patrizia Kastlunger, Pliscia	
DOM 13.	Secunda domegna de Carsema <i>ludith, Paulina, Leander</i>	
08:30	gran messa por döta la ploania	<i>oferta por la ploania</i>
14:00	funziun dal Bato de Amelie Huber y Dominik Ploner	
10:00	<i>s.m. a Al Plan</i>	
<i>ministronc:</i>	<ul style="list-style-type: none"> • dedolönesc y sabeda: Elisabeth y Alex • jöbia y domegna: Andreas y Maria 	
<i>i recordun:</i>	Alfons Pedevilla, Braies Angela Erlacher ved. Terrabona, Al Plan Florian Terza	† 07.03.2013 † 08.03.2018 † 08.03.2020

 **La parora de Dio - secunda letöra dla pröma domegna de carsema**

Dala letra de San Paul ai Romans (*Romans 10, 8–13*)

Fredesc y sorus! ⁸Ci dij pa la Scritöra? La parora t'é der dlungia, ara é te töa bocia y te to cör. Minada é la parora dla fede, ch'i encundun; ⁹ciodiche, **sce te confesses con töa bocia: "Gejú é le Signur" y te creies te to cör: "Idio l'á ressuscité dai morc", spo gnaraste salvé.** ¹⁰Con le cör creion por ciáfé la iustizia y con la bocia professon por arjunje la salveza. ¹¹Deache la Scritöra dij: Chel co crei te el, ne jará nia adema. ¹²Atló n'él degüna desferonza danter iüdes y grecs. Düc á le medemo Signur co é rich por düc chi co l'atlama. ¹³Deache vignönn, co atlama l'ennom dal Signur, gnaré salvé.



Carsema

Signur Gejú,
al á motü man la Carsema
co nes condüj ala zelebrazion de Pasca,
de töa mort y de töa ressozeziun.
Vign'ann danö ti piteste a nosta fede
cösc tomp de grazia desco n'aisciöda nea
co renoveia les raisc de nosta esistenza
y nes deida ciáfé endö l'armonia pordüda.
Te nes enseignes
co ch'i sciafiun da varí nosc cör
y cherié n bun raport cun Chel Bel Dio
con nos enstesc y con i atrí.
Cun l'oraziun nes envieieste
da restabilí le raport cun Dio, nosc Pere,
co é desco n vider
tanfé sö da nostes mancianzes
y ascüré da nostes infedeltés.
Con le jain nes deideste
da varí nosta anima,
pienn ia da nosc corp,
y da avei fan y sei
do ci co cunta veramonter.
Con les opres de ciarité
educheieste nosta vita
ala compasciun y ala solidaritè
y te la delibreies dal egoism
co la sofia y co la fej morí jö.
Por ch'i rounse a bun fin
nes envieieste da se dé da fá
con umilté y confidonza.
Con la forza de to Spirit Sant,
do chera ch'i te periun,
sará cösc n tomp de grazia.
Amen



Oraziun por la pesc tl'Europa

Bel Dio misericordius dla pesc,
spordüs y impotenc
gnunse dan da te.

I odun la brutalité dla vera, agresciuns
y manaces tres plü prigoroses.
Al pö che les intermediaziuns n'é nia
bones da l'architè ia.
Al se desleria fora na gran tema dan
da roines y soferonzes.

Te cösta situaziun te periunse do to
Spirit de pesc y de reconziliaziun,
do cörs co veighi ete y se convertesci.

Con to aiüt daüri le tru a dezijiuns
co eviteii desdrütes y meseria.

Con düc chi co é atochés, manacés y
trac ete tla vera se dejidrune y
periunse do le miraco dla pesc por
l'Ucraina, la Ruscia y l'Europa.

Tö Idio dla vita, dla consolaziun
y dal amur, i confidun te töa bunté
y providenza. Amen.

(vesco Hermann Glettler, Desproch)

→ **I enviun der bel düc da perié cösta oraziun, co gnaré periada pa vigne santa messa y funziun te dlijia ince entres endö te nostes ciases.**